



Australian Government

Promovisanje pravednosti za sve u multikulturalnoj Australiji

Sažetak izvještaja

Recenzija Multikulturalnog okvira je generacijski reformski plan koji zahtijeva pristup cijele vlade i zajednice koji će pozicionirati Australiju ka ostvarenju svog punog potencijala kao nacije sačinjene od mnogih kultura, vjera i različitih životnih iskustava.

Za izradu ovog izvještaja za Australijsku vladu, korištene su informacije na kojima se zasniva Recenzija, a koje su dobijene putem 216 javnih konsultacija širom Australije. Komisija je, takođe, razmotrila 796 javnih podnesaka (15% na jezicima koji nisu engleski) i sproveda likovni konkurs za djecu i mlade, i time osigurala da sve generacije budu uključene.

Zajednice su se izjasnile snažnim, ujedinjenim glasom prenoseći komisiji svoju želju da budu dio procesa donošenja odluka, da zajednički osmišljavaju i koproduciraju sa relevantnim nivoima vlasti, te da dijele odgovornost i uračunljivost.

Ova pitanja ne mogu riješiti same zajednice, sektori, institucije i organizacije, niti samo jedna starosna grupa. Svi u Australiji su odgovorni za inkluzivno društvo; na našim radnim mjestima, u društvenim interakcijama, online ili lično, svi bi trebali imati pristup ka inkluzivnosti, pravednosti, poštovanju i jednakosti, zasnovan na ljudskim pravima.

Kako bi se osigurao zajednički interes i opredijeljenost diljem vlade, u izvještaju se od Australijske vlade traži da prioritetno sprovede 29 preporuka.

Na osnovu ovih preporuka donosimo prijedlog smjernica multikulturalnog okvira. Ove smjernice, zajedno s pravim institucionalnim postavkama, imaju za cilj osiguranje kontinuiteta potrebnog za održavanje uspješne, pravedne multikulturalne Australije za sve. Potkrijepljene adekvatnim podacima, istraživanjem i izvještavanjem, smjernice u glavnim crtama navode sljedeće:

Postavljanje temelja putem povezivanja

- Dvostranačka posvećenost multikulturalizmu, na nacionalnom nivou, koja je zasnovana na društvenoj koheziji, kulturnom identitetu i jednakim mogućnostima
- Snažno rukovodstvo i odgovornost, sa preporučenom multikulturalnom komisijom Australije koja će sprovoditi implementaciju okvira

- Strateško planiranje i koordinacija putem posvećenog Odsjeka za multikulturalna pitanja, imigraciju i državljanstvo
- Saradnja diljem zemlje i zajednice, Multikulturalnog ministarskog foruma i Savjetodavnog vijeća multikulturalne zajednice

Njegovanje "Dobrodošlice u Australiju" kroz identitet i pripadnost

- Nacionalni plan za proslavu multikulturalizma uključujući Sedmicu harmonije i službeno obilježavanje Međunarodnog dana Ujedinjenih nacija za eliminaciju rasne diskriminacije
- Sprovođenje održive nacionalne jezične politike za postizanje društveno-ekonomskih rezultata
- Obnovljen proces sticanja državljanstva koji odražava modernu, multikulturalnu naciju
- Nezavisan i raznolik medijski sektor
- Ulaganje u društvene organizacije i kulturne programe s ciljem razvoja društva putem umjetnosti i sporta
- Razvoj inicijativa diljem Australije za produbljivanje razumijevanja istorije Prvih naroda, kao što je istorija predstavljena u procesima sticanja državljanstva, građanskom učešću, pravcima sticanja stalnog boravka i u obrazovanju

Poboljšanje službi / usluga kroz kolaborativno uključivanje

- Uključiti kulturološki primjerene usluge, uključujući zdravstvo, invalidnost, obrazovanje, brigu o starima i smještaj
- Podići nivo kulturnog razvoja širom Australijske javne službe, predvođen APSC-om, putem odgovornog rukovodstva
- Modernizovano finansiranje multikulturalnih programa (grantovi) usredsređeno na održivost i izvjesnost
- Osmisliti i sprovesti strategiju za premošćivanje kulturnog i digitalnog jaza
- Fokusirati se na jedinstvene potrebe mladih ljudi i regionalnih zajednica
- Posmatrati multikulturalnu politiku i usluge kroz objektiv intersekcionalne i spolne ravnopravnosti.